

Жашау, жарыкъ кюнлерингде бийик жеримде,
Къууандым да, жарыкъ чагъырынгы да ичдим,
Къалын чачымы да артха хыны сылап, мен
Къууанчлы тойларында да женгил тепседим.

Бушуунг келген эсе уа, неди да! Бушуу
Этеме мен. Тюшген эсе сауут алыргъа,
Къыйынлыгъын, къанын да сынаргъа урушну,
Жашынгча алама бюгюн сауутну къолгъа!

Жашау, аямайын жыяма жүрегиме
Тоюн, урушун, бар къайгъыларын да жерни.
Жашау, мен сени жашынгма сыйлы жеримде,
Къууанчынг да, жияуунг да – барсысы мени!..

1942